

青縣志

卷之二

卷之首

甲

民國二十年三月

# 青縣志

愚鉞署



青縣志

青縣志序

民國十有七年秋九月震霄奉委權篆青縣時當軍旅之後諸務混紛百端待理至欲求一完備志書以考事蹟知因革亦不可得愆焉傷之與邑中賢士大夫言及於此則云邑志自前清光緒初元至今五十餘年失修久矣且又迭經世變案卷損燬耆宿彫零失今不圖將來雖欲考獻徵文亦恐無能爲力震霄深慙是言爰相與籌議續修之事適奉

省府民政廳令飭即設局纂修縣志與諸君子之意固有合也因延聘邑中宿儒爲總纂又廣邀通材碩德者副之於是明體例分門類得所以致精於此書者開館城中程功效力期以一年竣事而甯君紫垣復慨助巨資以爲局中雜費嗚呼天下事患不爲耳果其爲矣

青縣志卷首序一

無不有成功之一日以青縣志書言之音沉響絕蓋已久矣而世難未夷人多旁鶩亦孰有餘力以顧及一縣紀載之細卽顧矣當茲文字凌夷舊學廢墜之頃又何從而得揚華擗藻之人薈萃一室而秉筆翫縷也然而震霄倡之於前諸公和之於後而世所視爲緩圖之邑乘遂指日可以成書此其可喜者也獨惜功甫及半震霄調署任邱未得與諸君子終始其事耳雖然震霄倥侗備瞽於文事無所知曉董君代我固宅心忠厚而又學問優長者也邑中凡百事務度無不能與諸君共濟其美此之爲書其所以相得而益彰者蓋可知矣然則震霄區區之愚惟先覩爲快而又私幸弁言其端竊比蒼蠅附驥而已是爲序

中華民國十九年二月前任青縣縣長現任任邱縣縣長萬震霄撰

青縣志序

青古參戶漢侯國也地近渤海界介燕齊與趙之交唐置軍區宋以州治金元代興清滄竝峙畿南轄境之廣北括津沽漕運所經兵爭所及此邦爲最清代設鎮馬廠鞏我國防津浦路成南北運輸尤爲樞紐儼然一畿輔要邑也志乘之纂在元雖有清州志然其書久佚所可考者實創始於明萬歷三十五年洎入前清再修於康熙十二年癸丑三修於嘉慶八年癸亥四修於光緒元年乙亥蓋廣輯者屢矣時世推移創始之本不可見再修者復編殘簡斷幾同郭公夏五之文嘉慶光緒兩志啓後承前不爲無補惟監修者官吏秉筆者遊宦抑幕僚吳儂而譚燕趙之俗語焉不詳亦固其所今距光緒乙亥又五十餘稔矣其間自勝朝末造以迄現在政潮反覆有若舉棊當

青縣志

卷首

序一

二

斯世者不啻舉從前數千年變革而悉歷之重以爭戰相尋歲無寧晷徵財越貨閭里蕭條詢耆老則殆比周餘考文卷則已成秦燼欲統此五十餘年之掌故逐端覲縷更溯及前志所舛漏一一訂譌補闕使成完備之書豈不戛戛乎其難哉戊辰冬季邑人士念及青志歲久失修時變日亟慨然謀有以繼作之會商設局采訪以立其基迺不兩月而

國府通飭修志之令下萬前縣長景蒼加委士紳公同辦理藉收集思之效適甯君紫垣聲明願捐鉅資作爲局費萬公欣然容納增發聘函瑋於是得與纂修之役著手伊始同人不以瑋爲譴陋謬推以草擬規則及志書凡例相與分任纂輯時維己巳之春自夏徂冬期閱一年始克脫藁越歲庚午同人慮及分工治事措詞或有牴牾又

擬委以校勘之任瑋自顧需次有年學殖日落前之濫厠撰擬愧赧已滋更何敢當此重責而諸公衆口交推僉以當仁不讓舍子其誰等語相勗瑋不獲已謹遵命勉爲從事中經戒嚴停頓歷三月而校勘告成綜計全書四志十六日其細目則六十有九都三十餘萬言竊嘗以爲方志一書記載之書也固貴實而不虛尤宜詳而不略康對山先生武功志其文允高簡可誦矣而惜墨如金取材傷隘在政俗簡易之世猶之可也丁茲人事日繁廣蒐博採尙虞招疏漏之譏矧事同而取舍顯殊人等而錄遺或異乎所幸同事諸公皆洽聞殫見臨事不憚竭慮以經營故茲志資料增於前志者約十之五文字多於前志者約十之七其前志輯入事實今仍分門錄載十無一削非好爲辭費也亦以人文絕續之交有不得不然者在耳至於徵引

青 縣 志

卷

首

序一

三

既繁歧誤或所不免以瑋之陋敢信勝任校讎能爲諸公壤流之助乎後之覽是書者功之罪之則非所敢知已志將付印因贅弁俚言備陳顛末用誌不忘是爲序

中華民國十九年歲在庚午陽歷七月邑人孫瑋謹序

青縣志修志姓氏

監修

縣

長萬震霄景蒼

總理

邑

人甯奎章紫垣

協理

邑

人沈樹屏雲甫

邑

人錢崇墀向忱

邑

人陳曾榮楚喬

邑

人陳觀沼敬先

總纂

青縣志卷首

邑

人高遵章紹先

邑

人姚維錦蓉舫

纂修

邑

人鄭清寰敬荃

邑

人姚宗瀚竹溪

獻

縣劉清漳鉅源

邑

人呂洛樾卿

邑

人姚醞芝蔭青

邑

人姚得騷錫文

邑

人姚雲錦岫章

邑

人姚得駿英宸

邑

人孫 瑋 儒 珍

校勘

邑

人孫 瑋

繪圖

邑

人王汝琴 駿 聲

邑

人陳宏陞 級 三

邑

人姚 驤 仲 倫

邑

人陳玉璣 健 荃

邑

人姚 洪 錦 波

採訪

邑

人胡憲章 序 斌

青 縣 志 卷 首

邑

人許同衡 子 佩

邑

人黃甲魁 杏 齋

邑

人陳玉森 楠 喬

邑

人孫承祐 幼 卿

邑

人何金江 性 樵

邑

人劉愉仁 悅 庵

青縣志凡例

一平議 新舊之爭於今爲烈方志之作亦其一端青志創自有明迄清三次踵修世經屢易然政治風俗固自不甚相懸茲者國體既更舉凡社會狀態施政標準學說趨向經濟情形幾無不隨之俱變文人學子或崇時以蔑昔抑是古而非今皆非也夫今昔者時也是非者理也昔之事有是非卽今之事不能盡非而概是持一事之是非遂謂一時之事概是而盡非不謂之偏激得乎故公道祇是非卽達識無新舊今於忠孝節義諸品及職官之瘁勤民事者仍爲極端崇獎以維持晚近之人心而時政中之自治黨務警政教育實業村制各大端亦不憚探討利弊一一具陳以發皇當時之輿論神權本諸迷信今以壇廟別於建置之林苛征大促生機今於賦役篇直陳其不當凡此種種展卷能詳持見一秉於中立言惟期其是茲志之旨如是而已

青縣志

卷

首

凡例

一

一辨體 名流梁啓超氏以地志爲史之一種其贊鄭夾深之書則曰通志二十略以論斷爲主記述爲輔實爲中國史界放一光明斯言諒矣夫言之無文行而不遠使徒因襲成格僅知分條雜綴而於事之原委得失物之性質功用概予略而弗講正如人之爲人但具五官四肢筋骨皮肉別無精神以運掉之呆然特立將何觀焉故魯絜非志新城自信篇篇成文鹽山新志亦譏尋常作者如百貨臚單市賈守簿良有以也舊日方志大都重記述寡論斷前志統嘉慶光緒兩志言之弊正復坐此其簡陋且加甚焉茲志一矯舊習以夾叙夾議法行之篇有篇之管見自有目之微辭務使易板以

活化滯爲靈其或文不足闡則列表以明之又或辭多旨晦每篇開首則分別冠以提要細目或間有未盡更爲按語以綴其後而文中屬事仍復不厭求詳凡所叙擬旨在華實兼蓄舞文弄墨之譏殊所不計

三分類 舊志

指嘉慶志

八卷十五門如天章義取尊王星野意崇法象

風會所趨例因應爾今則時移世易不可從同矣至鹽課附入兵防藝文包括列傳紛歧雜糅眉目尤欠清晰善夫鹽邑賈恩紱氏之言曰方志之體如繪事然疆域其質素也法制其初施之輪廓也文獻其采色也掌故其題跋也又以史裁衡之疆域其紀也法制故實其志也文獻其傳也取譬精切是爲知類今師其意而略變之總以四綱曰輿地以疆域沿革建置古蹟等目屬之曰經制

青縣志

卷首

凡例

一一

以官制賦役時政等目屬之曰文獻以人物藝文兩目屬之曰故實以物產風俗兵事祥異金石志餘叙錄等目屬之每目所括事實較繁者更爲細目以便檢閱分卷十六文與事均較前志加多而秩次釐然則有條而不紊言之無序庶幾免夫

四博採 舊志各門略具雛形其於方志重要應有之部分則猶多不著於篇目亦有篇目雖著而細目與內容仍歸漏略者採擇補綴之責毋或緩矣時政諸端及課稅種種爲後出之科條前人未悉宜也若夫國之大事在祀與戎迺兵事典禮俱付闕如金石一目所以考訂殘缺質信今古者也自元徐碩爲嘉禾志載碑碣之文多至十一卷近日方志多師之舊志僅於藝文部屢錄李副使日封翁墓表一通亦嫌不備至人物部之師儒忠義觀感攸資藝

文部之書目序言著述所寄四禮方言之係民風會場祠宇之關俗尙前既略而未志概爲依類增入之典禮一端格於時制僅爲附載志餘以備檢覈又立志餘一目俾便歸屬雜事軼聞雖不敢謂遺憾毫無然於志乘體裁固無所或苟云

五借資 作志不能懸擬宜藉書籍以爲之資此次所資者古籍與

他邑志乘外邑舊志

見續志指光緒志

天津府志畿輔通志廢興濟縣

志與康熙志數種而已舊志續志既欠精覈

續志似志料性質較舊志尤遜

府志

通志亦以範圍廣大邑事每語焉不詳興濟志僅爲鈔本康熙邑志又祇餘一卷舊聞曩事往往散佚無徵自不能不藉私家著述以補其罅漏青瘠邑也文物聲明發揚較晚數百年來惟劉戒庵明經天誼舊志批註與同野堂遺集邑志部考訂獨詳其於桑梓

青縣志卷首

凡例

三

之鄉著作之際厥功懋矣次則戴義臣茂才廡所撰滄桑紀略關於世運治亂年歲豐凶頗多可採戴南喬孝廉研著有青志擬草惜已散佚故凡舊志舛脫補正之處亦間據二氏之書仍有未盡搜旁證以充之而采訪所得與時賢聞見考據之確者尤在所弗遺云

六審圖 邑志例有輿圖蓋以圖與書相輔而行地志乃爲美備用

意良是顧輿圖之作多爲風尙所拘如「全境村莊」「城池」「學宮」或繫轄區廣狹或關治理文化之基圖之亦固其所其最爲猥俗者莫縣署與八景若舊志簡略僅有河道縣署學宮三種河道圖且多與實地不符抑更失矣夫邑志之圖村莊猶省志之圖縣邑也縣爲村莊所積而成不明其遠近方向社會交際與政府措施俱無所定其準則况圖村莊即可兼及河道尤不應專繪河道

而略村莊縣署固爲施政之源然僅繪房舍其細已甚自不如詳繪全城而括縣署於內指示其坐落地點較爲適當今特繪具此二圖孔廟制度各邑一律茲從略關箱附近城垣市廛櫛比各項機關復多附麗其中並製一圖以明其概況又興濟爲商務要區馬廠屬國防重地其圖尤要茲因限於時日未克成就俟後終當補製之至同人素乏專長故製法未出測量規模粗備幸閱者諒之

七正名 邑志旣屬史裁則釐正往古之名稱實爲首要蓋山川雖不可易而歷代之析合改置各有不同若非亟正其名匪特地書要義全失且使一切人物事實凡在今縣得名以前者胥將混淆莫辨不可已矣邑境置縣自前漢始光武省參戶入章武以迄有唐不設縣治者八九百載迨乾寧置軍永安改縣嗣後縣升爲州

青 縣 志 卷 首 凡 例

四

州且轄縣由唐至明始得今稱清初又以興濟縣屬併入之邑名之變革亟矣今爲詳考典籍辨其沿革於境不設治時疏明某某縣地或隸某郡某州設治而有支縣來屬則疎明領某某縣並上隸某路某府務使統系分明記載詳確一洗舊志舛陋籠統之弊而後今之疆域與境內建置古蹟乃有線索可尋而不至漫無依據

八 論 政

經 制

宋史於古人經制治法討論尤精卽典制之意

爲整理輿地之具治有其地

矣則政尙焉政以人而舉故叙官制特詳於職官職官當守者科條故賦役次之自清末以迄民國各項新政鱗次以頒官民胥納於軌物故時政又次之惟專制時代在野者應守庶人不議之訓國有政事述之而已今則言論自由宜無顧忌茲志所擬於職官

之賢者褒之其否者則刺之清議所加勸懲厲焉他若雜稅鹽法之應如何裁改警務教育之應如何整飭自治選舉之如何不適與情交通村制之如何便於民衆每更一端申論隨之旨取其允言不憚煩民視民聽此物此志也

九衡品 人類至不齊矣史傳品隲名稱亦無定則求其當者端在自擇舊志人物門分政事文學孝行尙義厲賢隱逸耆壽節烈八項而選舉則另立一門續志多仍其目僅易政事爲鄉賢節烈爲列女外又增入藝術殉難二者以今衡之其不備或未協猶所不免夫經師宿儒與鞠躬盡瘁之僚世所葆貴矧在一邑此師儒忠義二品所應增立細目者也廉能之吏稱之曰鄉賢則範圍過寬畸人杰士多爲人所不能爲概以尙義則又失之隘茲易之曰仕

青 縣 志 卷 首 凡 例

五

進曰卓行友愛亦倫常極選孝行不足以統之選舉久失其真且復混於今制茲易之曰孝友曰科名鄉黨自好之士及厲居而有而有聞望者稱之以鄉型以寄厲可耳曰隱逸曰厲賢抑溢美矣殉難者忠義之亞也事以類從不別立目餘俱因之抑又有聞方志之限以地猶國史之限於代也故紀封爵者以采邑載名宦者以治所稱鄉賢者以著籍反是則謂之濫收石崇晉之南皮人舊志誤爲生於青州許古金之交河人舊志亦沿滄獻諸志之訛而並入之又如漢之劉嘉誤於蒲領域北齊之高勵舛於青河乃竟闕列封爵尙足取信後世耶今並刪之搜古籍而補其漏寧缺毋濫庶不至厚誣此邑矣

十酌例 常例有可從者有不必從者蓋例或失泥徒執成說固不

如審酌是非之爲當如耆壽如節孝年限具載定章自應遵守又如仕進限實缺侯補候選者不與科名限五貢以上例貢監廩增附不與學校限中

學以上初級畢業不與胥爲表殊異戒冗濫此其義法可從無庸強爲立

異者也至人物不錄身故在三十年內者藝文亦不錄生存者蓋皆意在避嫌恐有愛憎之見存焉然蓋棺論定自昔云然論已定矣傳述猶必遲之悠久保不因過當之防閑泯斯人令聞廣譽乎一卷之成研幾寧易值茲道晦文喪蒐集撰著亦祇保存國粹衡其文而匪論其人正宜與科名仕進等表同以已定事實爲據不必問其生存否也耆壽節孝兩類義亦仿此又清代屯居八旗向自有籍今以五族共和漢滿不分畛域凡久居斯土之旗民祇有合於上項諸細目概予查明增入以歸公允此則基於時勢推遷一變曩例而

青縣志卷首 凡例

六

務求其適當者也

十一尊民 孟子曰民爲貴尙書曰民爲邦本古訓所垂昭如星日今國體已躋民主方志之作尤應以民意爲依歸故輿地之志志民居也經制之志志民治也文獻故實之志志民類與民事也其前志之不切於民者今皆略之所特詳者在飛潛動植之能職業禮儀之况兵戎久暫之跡與飢饉旱潦蟲豸草木之祥全書注重在民而物產風俗兵事祥異各篇更爲全書主旨所顯見方志義例多習故而蹈常獨掖人李圖爲膠州志主因民以紀事可謂開自我先者矣

十二存舊 志之爲志既與史裁不悖宜不得略於舊聞易言之卽體例可從新資料斷不能遺舊也茲於前志所載有仍輯入正文

者有以類相從附錄文後者固已十得八九惟如星野誥勅八景及藝文門之篇文雜詩等因標目一更遂至無所附麗之數者或爲俗尙所關或繫前人撰著概從刪削流俗惑焉今仿各書雜記僉載之體爲立志餘一目悉予賅載並以各項典禮故事軼聞與因生存而不能歸類之人概爲收錄於內詞不避其雜濂旨惟取乎無涇金石叙錄兩目其義亦統乎此

右前五則爲總例後七則爲分例

青縣志目錄

全境略圖

縣城圖

關廂街市圖

輿地志

卷之一 疆域

幅員 形勝 河渠 區村 集會

卷之二 沿革

卷之三 建置

城池 署廨 學宮 學校 堤工 倉廩 坊表 橋渡 雜置

卷之四 古蹟

山川 城鎮 堤壘 祠墓 壇廟 驛遞 亭臺

經制志

卷之五 官制

附職官表 名宦列傳 封爵表

青縣志 卷首 目錄

卷之六 賦役

田賦 丁戶 雜稅 經費 鹽法 蠲卹

卷之七 時政

縣署改組 司法 警務 教育 實業 財務 自治 選舉  
教育會 商會 農會 黨務 交通 區村制

文獻志

卷之八上 人物

師儒 文學 忠義 孝友 科名

卷之八中 人物

仕進 卓行 鄉型 藝術 耆壽

卷之八下 人物

列女 寄寓

卷之九 藝文

故實志

卷之十 物產

植物 動物 貨物

卷之十一 風俗

士農工商 冠昏喪祭 歲時 方言

卷之十二 兵事

卷之十三 祥異

卷之十四 金石

卷之十五 志餘


卷之十六 叙錄

青縣志


卷首

目錄

# 青縣全境略圖



例		圖	
+	△	○	◻
區界	高等小學校	公安總分局	鐵路
縣界	縣流	鎮店	村莊
			縣城



## 說明

- 一 本圖每方縱橫俱十里
- 一 舊天津府屬七州縣他處與地均較整齊惟青縣華雜錯雜執筆繪圖極難得其形似故天津府志稱青縣地形有類東躍之馬蓋言其操觚求肖之難也
- 一 邑境既非整齊舊志又無全境詳圖可資依據謹參照舊天津府志青縣與圖並勘查實地繪成此幅惟村莊河流部位及距離遠近不敢謂毫無錯誤閱者諒之